



29.april 2016

UPA2016/37

## **Innarluutillit pisinnaatitaaffii pillugit Nunarsuarmioqatigiit isumaqatigiissutaasa nunatsinnilu innarluutillit pisinnaatitaaffiisa tamakkiisumik illersorneqarsinnaasumillu atuutsinneqarnissaat anguniarlugu Naalakkersuisut kingusinnerpaamik 2017-imi Innarluutillit illersuisuannik pilersitseqquullugit Inatsisartut aalajangiiffigisassaattut siunnersuut.**

(Inatsisartunut ilaasortaq – Vivian Motzfeldt, Siumut

Inatsisartunut ilaasortaq Vivian Motzfeldt Siumut, siunnersuuteqarpooq innarluutillit pisinnaatitaaffii pillugit, tassalu Innarluutillit illersuisuannik pilersitseqquullugit tamanna Partii Naleqqamiit oqaaseqarfingissavarput.

Nunatsinni innarluutillit atugaat sapinngisamik pitsaasumik kiffartuunneqarnissaat sullinneqarnissaallu tamatta eqqarsaatitsinniittartoq qularinngilarput, tassami ulluinnarni inuunerminni atugaat pitsasuussasut, aammalu pisortaqrfinnik peqqinnissaqarfimmillu sullilluarneqarnissaat ikiorluarneqartarnissaallu naatsorsuutigilluinnartaratsigu.

Taamatut oqaluuserisassamik saqqummiussaqarneq soqutiginarluinnarpoq ilaatigummi oqariartutigineqartarpoq innarluutillit atugaat ilaquaasunullu atugassarititaasut erloqinartorujussuusartut soorunami taamatut aqquaartugassaqartitaasarsimancerat ilaatigut ilungersunartorujussuartut isigaarput.

Nunatsinni innarluutillit ikiorneqartarnerat sumi najugaqarneq tunngavigalugu assiginngilluinnartumik pineqartarnerat akuersaaginnarsinnaanngilarput, tassami kommunit aningaasaqnerat, aammalu pisortaqrfinnik sullinneqarnerat ajoraluwartumik assigiinngilluinnartarpoq, tusartarparput ikorsiinissaq ilaatigut pinngitsoortinneqartartoq aningaasatigut periarfissat killeqartut pissutigalugit, tamanna soorunami ilungersunarpoq, taamaattumik isumaqarpugut inuit ikiugassat aallaavigalugit sullissussinerit ingerlanneqartariaqartut.

Kiisalu ilanggullugu tikkuarniarparput, inuit innarluutillit suliffeqarfinni sulisinneqartut aningaasarsiamikkut appasisorujussuarnik atugassaqartillugit akilersortakkagut pitsangorsaaffigisariaqarput, taamaattumik tamatta tamanna eqqarsaatigisariaqalerparput inuimmi pineqartut aamma allatulli inuupput naleqarlutillu.

Innarluutilinnut sullissinermi atugassarititaasut Naalakkersuisunit pitsaanngorsarniarneqartut nuannaarutigaagut qujassutigalugillu, neriutigalugu innarluutilinnut ilaquaanullu atugassarititaasut pitsaanerulernissaat anguneqassasoq.

Taamaattumik aamma Naalakkersuisut inatsisitigut toqqammavissat 2017-mut upernaakkut saqqummiussaqarnissamik nalunaarutaat iluarismaarpaput tapersorsorparpullu.

Aammal Vivian Motzfeldt-ip siunnersuummini anguniagaa tassalu innarluutillit illersuisuannik pilersitsisoqarsinnaaneranik pilersitsinnissaq soqtiginarpoq tapersorsornarlunilu, tassami taamatut pilersitsisoqarpat innarluutillit ilaquaasalu paasineqarnerunissaat illersoneqarnerunissallu qulakeerneqassammata taamaattumik siunnersuut tamakkiisumik taperserparput.

Taamatut oqaaseqaluta peqqissutsimut isumaginninnermullu ataatsimiitaliami suliarineqarnissaa innersuussutigaarput.

Hans Enoksen